



**RAPORT
MONITORIMI I SEKTORIT TË
MJEDISIT NË KOMUNËN E
FUSHË KOSOVËS**

2024

MAJ, 2025



RAPORT MONITORIMI I SEKTORIT TË MJEDISIT NË KOMUNËN E FUSHË KOSOVËS 2024

Autor dhe botues: EC Ma Ndryshe

Rr. Fehmi Lladrovci Nr.67, Prizren,
Rr. Xhemajl Mustafa 9/1 LL-4 Nr.7

www.ecmandryshe.org
info@ecmandryshe.org

029 222 771

Maj, 2025

PËRMBAJTJA :

HYRJE

GJETJET E RAPORTIT

- 1 Skema institucionale për planifikimin dhe menaxhimin mjedisor
Statistikat Kryesore - 2024:**
- 2 Korniza ligjore**
- 3 Hartimi, harmonizimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit**
- 4 Mbikëqyrja inspektive dhe raportimi mjedisor
Raportet mjedisore në nivelin lokal**
- 5 Krijimi, grumbullimi, menaxhimi i të dhënave dhe sistemit të menaxhimit të dhënave**
- 6 Bashkëpunimi, koordinimi dhe pjesëmarrja publike**
- 7 Licencimi dhe lejet mjedisore**
- 8 PËRFUNDIME**
- 9 REKOMANDIMET**

HYRJE

Ky raport është një përpjekje e re e strukturuar e shoqërisë civile për të adresuar e trajtuar përgjegjësitë e organeve kompetente të Qeverisë Lokale, përkatësisht përgjegjësitë e Komunave karshi 7 aspekteve mjedisore që rregullohen me kornizën ligjore të vendit.

Organet përgjegjëse për mbrojtjen e mjedisit janë të rregulluara në forma të ndryshme në Komunat e Kosovës. Disa nga komunat kanë drejtori të dedikuara për mbrojtjen e mjedisit, ndërsa disa kanë sektore në kuadër të drejtorive për planifikim apo zyrtarë përgjegjës për çështje mjedisore.

Metodologjia e ndjekur nga EC Ma Ndryshe për përpilimin e këtij raporti merr në konsideratë 12 ligje që adresojnë aspekte të ndryshme të mbrojtjes së mjedisit, si:

- Ligji nr.03/L-025 për mbrojtjen e mjedisit
- Ligji nr.03/L-233 për mbrojtjen e natyrës
- Ligji nr.03/L-160 për mbrojtjen e ajrit nga ndotja
- Ligji nr.2003_3 për pyjet e Kosovës
- Ligji nr.04/L-147 për ujërat e Kosovës
- Ligji nr.04/L-060 për mbeturina
- Ligji nr.06/L-035 për veprimtaritë hidrometeorologjike
- Ligji nr.03/L-119 për produktet biocide dhe shtojcat
- Ligji nr.02/L-53 për gjuetinë
- Ligji nr.04/L-197 për kimikate
- Ligji nr.04/L-174 për planifikimin hapësinor
- Ligji nr.04/L-175 për inspektoratin e mjedisit, ujërave, natyrës, planifikimit hapësinor dhe ndërtimit.

Mbi këtë bazë përmbajtja e këtij raporti tenton që të mbulojë aspektet kryesore që legjislacioni në fuqi adreson, si:

- Skema institucionale për planifikimin dhe menaxhimin mjedisor
- Korniza ligjore
- Hartimi, harmonizimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit
- Mbikëqyrja inspektive dhe raportimi mjedisor
- Krijimi, grumbullimi, menaxhimi i të dhënave dhe sistemit të menaxhimit të dhënave
- Bashkëpunimi, koordinimi dhe pjesëmarrja publike
- Licencimi dhe lejet mjedisore

Gjetjet e këtij raporti në kapituj të caktuar kanë identifikuar mangësitë aktuale në sektorin e mjedisit, që kërkojnë vëmendje më të shtuar nga autoritetet komunale, me qëllim të përmirësimit të procesit të planifikimit dhe menaxhimit mjedisor. Gjithashtu ato janë validuar nga zyrtarët përkatës komunal, si pasqyrim i gjendjes reale në sektorin e mjedisit.

Në fund janë adresuar edhe disa rekomandime me qëllim të përmirësimeve dhe plotësimeve në proceset e planifikimit dhe menaxhimit mjedisor, drejt arritjes së rezultateve më të qëndrueshme në sektorin e mjedisit dhe mbrojtjen e resurseve natyrore.

GJETJET E RAPORTIT

Skema institucionale për planifikimin dhe menaxhimin mjedisor

Në Komunën e Fushë Kosovës organi përgjegjës për planifikim dhe menaxhim mjedisor është Drejtoria e Shërbimeve Publike dhe Mjedisit. Sipas deklaratave të zyrtarëve të DShPM-së në kuadër të kësaj drejtorie ka sektor mjedisor dhe se janë të angazhuar dy zyrtarë mjedisor. Teksa Drejtoria e Inspeksionit ka raportuar se ka vetëm një inspektor që angazhohet në fushën e mjedisit.

Organi komunal	A është themeluar?	Emri zyrtar	Fuqia aktuale punëtore
Drejtoria	Po	Drejtoria për Shërbimeve Publike dhe Mjedisit	/
Sektori	Po	Sektori i Mjedisit	1
Zyrtarët	Po	Adnan Bullatovci Ejup Qyqalla	2
Drejtoria	Po	Drejtoria e Inspeksionit	/
Sektori	Jo	/	/
Zyrtarët	Po	Faton Berjani	1

Numri i angazhuar i shërbyesve civil në të dy drejtoritë thuhet se është i mjaftueshëm për kryerjen e detyrave të përcaktuara me kornizën ligjore. Ndërsa, sa i përket pyetjes se a kanë shërbyesit civil profilet e nevojshme profesionale për kryerjen e detyrave, zyrtarët e DShPM kanë thënë se po ndërsa përgaditja e tyre profesionale nga shkalla 1 (aspak) deri në 5 (shkëlqyeshëm) është vlerësuar me numrin 5.

DShPM dhe DI kanë bërë të ditur se gjatë vitit 2024 për punonjësit e këtij sektori janë organizuar trajnime rreth kornizës ligjore dhe rreth çështjeve mjedisore nga Instituti i Kosovës për Administratë Punlike, MMPHI, AMMK dhe organizata të ndryshme jo qeveritare.

Stafi i DShPM dhe DI gjatë vitit 2024 ka shfrytëzuar Udhëzuesin për Leje Mjedisore Komunale të zhvilluar nga EC Ma Ndryshe, dhe kanë raportuar se gjatë kryerjes së detyrave kryesisht janë fokusuar në legjislacionin në fuqi dhe dokumentet strategjike për të cilat janë të obliguar t'i zbatojnë.

Statistikat Kryesore - 2024:

Kategoritë	Numri
Numri i zyrtarëve të angazhuar në DShPM dhe DI	3
Trajnimet rreth kornizës ligjore	/
Trajnimet sipas fushës mjedisore	/
Udhëzues Profesional për Planifikimin dhe Menaxhimin Mjedisor	1

Korniza ligjore

Metodologjia e EC-it, merr në konsideratë 12 ligje që adresojnë aspekte të ndryshme të mbrojtjes së mjedisit, të cekura më lartë.

Komuna e Fushë Kosovës, përkatësisht DShPM ka raportuar se mbështetet në këto dokumente ligjore:

1. Ligjin për Planifikim Hapësinor
2. Ligjin Nr. 03/L-25 për Mbrojtjen e Mjedisit
3. Ligjin Nr. 02/L-30 për Menaxhim të Mbeturinave
4. Ligjin 04/L-175 për Inspektim
5. Ligjin Nr. 03/L-024 për Vlerësimin e Ndikimit në Mjedis
6. Ligjin Nr. 03/L-015 për Vlerësimin Strategjik Mjedisor
7. Ligji Nr.02/L-102 Ligji për Mbrojtje nga Zhurma
8. Ligji Nr. 03/L-160 Ligji për Mbrojtjen e Ajrit nga Ndotja,
9. Ligjin Nr.04/ L-147 për Ujëra, etj,.

Ndërsa në kuadër të Udhëzimeve Administrative shfrytëzohen:

1. U.A Nr.01/2017 për Dhënien e Lejes Mjedisore Komonale,
2. U.A Nr.14/2015 për Ndëshkim me Gjoha Mandatore,
3. U.A Nr.01/2020 për Menaxhimin e Mbeturinave që përmbajnë azbest,
4. U.A Nr. 06/2018 për Ndëshkimet me Gjoha Mandatore,
5. U.A Nr.03 /2018 për Procedurat për Leje Ujore,
6. U.a Nr. 07/2015 për Menaxhimin e Mbeturinave nga ndërtimi dhe demolimi i objekteve ndërtimore.

Hartimi, harmonizimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit

Në lidhje me hartimin, harmonizimin dhe zbatimin e dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit drejtoritë nuk kanë ofruar informacione.

Mbikëqyrja inspektive dhe raportimi mjedisor

Nga zyrtarët DShPM dhe të DI është raportuar se gjendja e zonave të mbrojtura dhe e pyjeve monitorohet rregullisht. Për ruajtjen e pyjeve kujdeset roja i pyllit, ndërsa kompetencat janë rikthyer te Agjencia e Kosovës për Pylltari. Deri më tani nuk janë identifikuar çrregullime mjedisore të shkaktuara nga persona fizikë apo juridikë, po ashtu nuk janë evidentuar raste të tejkalimit të eksploatimit të resurseve natyrore përtej kushteve të lejuara. Nuk janë identifikuar as shkelje në menaxhimin e burimeve drusore, jodrusore apo të faunës së egër, dhe as tejkalime të kushteve në vendgjueti.

Krijimi, grumbullimi, menaxhimi i të dhënave dhe sistemit të menaxhimit të dhënave

Zyrtarët përgjegjës të Komunës së Fushë Kosovës në lidhje me krijimin, grumbullimin, menaxhimin dhe sitemin e menaxhimit të të dhënave mjedisore nuk kanë ofruar informacione.

Bashkëpunimi, koordinimi dhe pjesëmarrja publike

Zyrtarët përgjegjës të Komunës së Fushë Kosovës në lidhje me bashkëpunimin, koordinimin dhe pjesëmarrjen publike po ashtu nuk kanë ofruar të dhëna.

Licencimi dhe lejet mjedisore

Zyrtarët e Komunës së Fushë Kosovës kanë raportuar se kjo komunë lëshon vetëm Leje Mjedisore Komunale dhe gjatë vitit 2024 janë lëshuar gjithsej 41 leje të tilla. Sipas tyre, asnjëra nga këto leje nuk ka të bëjë me shfrytëzimin e resurseve mjedisore.

PËRFUNDIME

Gjetjet e këtij raporti janë validuar nga zyrtarët përkatës komunalë, duke pohuar se ato pasqyrojnë gjendjen reale në sektorin e mjedisit, bashkë me mundësitë për të ngritur dhe përmirësuar çështjet mjedisore në këtë komunë.

Në Komunën e Fushë Kosovës organi përgjegjës për planifikim dhe menaxhim mjedisor është Drejtoria e Shërbimeve Publike dhe Mjedisit. Sipas deklaratave të zyrtarëve të DShPM-së në kuadër të kësaj drejtorie ka sektor mjedisor dhe se janë të angazhuar dy zyrtarë mjedisor. Teksa Drejtoria e Inspeksionit ka raportuar se ka të angazhuar vetëm një inspektor që angazhohet në fushën e mjedisit. Korniza ligjore mjedisore është mirë e konsoliduar dhe njohuritë e stafit komunal rreth kornizës mjedisore janë të nivelit të lartë.

Teksa, zyrtarët përgjegjës të Komunës së Fushë Kosovës nuk kanë ofruar informacione lidhur me hartimin dhe zbatimin e dokumenteve të planifikimit mjedisor, menaxhimin e të dhënave mjedisore, si dhe bashkëpunimin, koordinimin dhe pjesëmarrjen publike.

Por është, është raportuar se monitorimi i gjendjes së zonave të mbrojtura dhe pyjeve zhvillohet rregullisht, ndërsa ruajtja e pyjeve mbikëqyret nga roja i pyllit me kompetenca të rikthyera te Agjencia e Kosovës për Pylltari. Nuk janë evidentuar çrregullime mjedisore nga persona fizikë apo juridikë, nuk ka pasur tejkalime të kushteve të eksploatimit të resurseve natyrore, shkelje në menaxhimin e burimeve natyrore apo tejkalime në vendgjueti. Gjithashtu, është theksuar se gjatë vitit 2024 janë lëshuar 41 leje mjedisore komunale, por asnjëra prej tyre nuk ka të bëjë me shfrytëzimin e resurseve mjedisore.

REKOMANDIMET

- Të organizohen më shumë trajnime për punonjësit e DShPM dhe DI, në veçanti mbi kornizën ligjore dhe çështjet aktuale mjedisore;
- Të përmirësohet dhe dinamizohet procesi i hartimit dhe zbatimit të dokumenteve të lanifikimit dhe menaxhimit të mjedisit, projekteve dhe masave për mbrojtjen e mjedisit, duke rritur gjithashtu transparencën lidhur me to;
- Të forcohen kapacitetet njerëzore dhe teknike, dhe të rritet mbikëqyrja inspektive dhe raportimi mjedisor;
- Të iniciohet sa më parë krijimi, grumbullimi dhe menaxhimi i një sistemi të integruar për të dhënat mjedisore;
- Të rritet transparenca dhe përfshirja publike në proceset e hartimit dhe zbatimit të dokumenteve mjedisore, si dhe në menaxhimin e të dhënave dhe bashkëpunimin ndërinstytucional.

Për EC:

EC Ma Ndryshe është organizatë me bazë në komunitet, e themeluar në vitin 2006, që angazhohet për zhvillim të qëndrueshëm me qasje gjithëpërfshirëse.

Aktivizmi i EC-it synon një Kosovë ku qeverisja demokratike është pjesëmarrëse, transparente dhe llogaridhënëse, duke siguruar që institucionet, komunitetet dhe palët e interesit të punojnë së bashku drejt një zhvillimi të qëndrueshëm.

Ky vizion promovon vendimmarrjen gjithëpërfshirëse, politika më të fuqishme dhe përfshirje më të madhe të publikut, duke siguruar që qëndrueshmëria të jetë pjesë përbërëse e qeverisjes si në nivel lokal, ashtu edhe në atë kombëtar.

Përmes koordinimit më të mirë institucional, hartimit të politikave të bazuara në dëshmi dhe angazhimit qytetar, angazhimi i EC-së synon të kapërcejë hendekun mes komuniteteve dhe institucioneve, duke siguruar që qeverisja e mirë të sjellë ndryshime të prekshme dhe afatgjata.

Deklarata e vizionit

“Fuqizimi i një Kosove elastike dhe gjithëpërfshirëse, ku komunitetet në mënyrë aktive formojnë institucione të qëndrueshme, të digjitalizuara dhe të ndërgjegjshme”.

Deklarata e misionit

“EC Ma Ndryshe përkrah qeverisjen demokratike dhe zhvillimin e qëndrueshëm në Kosovë duke nxitur zhvillimin e qëndrueshëm socio-ekonomik, kulturor dhe të gjelbër përmes edukimit digjital, kujdestarisë mjedisore, mobilizimit të komuniteteve, avokimit për vendimmarrje publike me pjesëmarrje dhe kultivimit të partneriteteve strategjike”.